

Na osnovu čl. 62., 63., 64. i 65. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ br: 27/24), Člana 3 stav (2) Pravilnika o uvjetima za upis učenika u prvi razred osnovne škole ( „Službene novine Kantona Sarajevo“ br. 19/25) direktor Javne ustanove Osnovna škola „Vladislav Skarić“ Sarajevo, objavljuje

**JAVNI P O Z I V**  
**ZA UPIS UČENIKA U PRVI RAZRED OSNOVNE ŠKOLE**  
**ZA ŠKOLSKU 2026/2027. GODINU**

**I - Upis djece u I razred osnovne škole vršit će se u FEBRUARU, u terminu od 01. 2. 2026. do 28. 2. 2026. godine.**

Izuzetno, upis u redovnu osnovnu školu, osim u februaru, moguće je organizirati u mjesecu augustu, a zbog objektivnih razloga i tokom školske godine.

**II - U prvi razred školske 2025/2027. godine će se upisati djeca koja do 01. 3. 2026. godine imaju navršених 5 i po godina života.**

Škola može omogućiti upis i djetetu mlađem od utvrđene starosne dobi za početak obaveznog odgoja i obrazovanja, uz pismeni zahtjev roditelja/staratelja djeteta i ako škola, nakon što razmotri preporuke Komisije za upis učenika u prvi razred, da mišljenje da je to u najboljem interesu djeteta.

Upis djeteta mlađeg od utvrđene starosne dobi može se izvršiti samo ako dijete do kraja kalendarske godine puni šest godina života. Izuzetno, uz stručno mišljenje Komisije koju imenuje Ministarstvo za odgoj i obrazovanje Kantona Sarajevo može se izvršiti upis djeteta koje šest godina života puni poslije kraja kalendarske godine.

**III - Školsko područje** Javne ustanove Osnovna škola Vladislav Skarić“ obuhvata sljedeće ulice: Adila Grbe, Fehima ef. Čurčića, Skenderija, Skenderija čikma, Skender pašina, Tabasnica, Podgaj, Borak, Nova, Stolačka, Tekija, Terezija, Muamera Omerabegovića, Nurudina Gackića od broja 2 do broja 66, Urijan Dedina od broja 1 do broja 163., Soukbunar od br. 1-93 i od br. 2-92, Mrakuša od broja 2 do broja 16, Ejuba Ademovića, Kotromanića od broja 2 do broja 38, Hamdije Kreševljakovića od br. 1-25 i od br. 2-30, , Gabrijelle Moreno L. od br. 1-35 („Službene novine Kantona Sarajevo“, broj 18/04).

U skladu sa članom 62. stav (7) Zakona o odgoju i obrazovanju u osnovnoj i srednjoj školi u Kantonu Sarajevo, po zahtjevu roditelja, u Školau se može upisati i učenik koji ima prebivalište na području druge općine/školskog područja na teritoriji Kantona, odnosno na teritoriji BiH, samo uz prethodnu saglasnost Ministarstva, pri čemu prednost pri upisu imaju učenici koji pripadaju školskom području škole u skladu sa raspoloživim prostornim i kadrovskim kapacitetima uz obavezu poštivanja Pedagoških standarda i normativa za odgoj i obrazovanje u osnovnoj i srednjoj školi („Službene novine Kantona Sarajevo“, broj 3/25, 29/25).

**Potrebno je da roditelj/staratelj djeteta koje ne pripada školskom području naše škole podnese zahtjev školi.**

**IV –** Za upis djece u prvi razred školske 2026/2027. godine potrebno je da roditelj/staratelj djeteta popuni obrazac “Prijava za upis djeteta u prvi razred osnovne škole za školsku 2026/2027. godinu” te popunjeni obrazac dostavi na e-mail adresu Škole **info\_osvs@osvs.edu.ba**, lično u prostorije stručne službe škole ili putem pošte na adresu Terezija 48, 71000 Sarajevo.

**V- Roditelj kod prijavljivanja djeteta za upis u školu dostavlja:**

- Izvod iz matične knjige rođenih/original ili ovjerena kopija;
- Ljekarsko uvjerenje o psihofizičkom stanju djeteta za upis u školu i zdravstvenom statusu/oroiginal ili ovjerena kopija;
- Uvjerenje/Certifikat o pohađanju Obaveznog predškolskog programa za djecu u godini pred polazak u školu, kojeg izdaje predškolska ustanova / original ili ovjerena kopija;
- CIPS prijava boravka, kao dokaz o pripadnosti školskom području ( original ili ovjerena kopija) – na uvid.

Nakon što škola zaprimi potrebnu dokumentaciju za upis u prvi razred, roditelji/staratelji djece će biti blagovremeno obaviješteni o terminu procjene zrelosti za polazak u školu putem telefon ili e-maila navedenim u obrascu prijave za upis. Procjena zrelosti djece za polazak u školu vrši školska komisija i isto će se realizirati od polovine mjeseca februara.

Roditelji/staratelji će prilikom testiranja djeteta predati originalnu dokumentaciju potrebnu za upis (odnosi se na roditelje koji su dokumentaciju poslali na e-mail Škole).

Sve dodatne informacije možete dobiti na kontakt telefon: 033/551-588 ili e-mail **info\_osvs@osvs.edu.ba**.

Broj: 07-2-6-84/26  
Sarajevo, 26.01.2026. godine



**DIREKTOR ŠKOLE**

*Meho Pirić*  
**Meho Pirić, prof.**